

 中國社會科學院創新工程學術出版資助項目

楊一凡 劉篤才 編

中國古代地方法律文獻

丙 編
第七冊



社會科學文獻出版社
SOCIAL SCIENCES ACADEMIC PRESS (CHINA)

楊一凡 劉篤才 編

中國古代地方法律文獻

丙 第七冊 編



社會科學文獻出版社
SOCIAL SCIENCES ACADEMIC PRESS (CHINA)

中國古代地方法律文獻丙編第七冊目次

庸吏庸言(下)

〔清〕劉衡撰

清同治三年四川藩署重刊本

..... 一

思恩府新編保甲事宜

〔清〕李彥章撰

清道光刊潤經堂自治官書本

..... 九九

治浙成規(上)

〔清〕不著撰者

清道光十七年刊本

..... 一九五

中國古代地方法律文獻丙編第七冊目次

庸吏庸言(下)

〔清〕劉衡撰

清同治三年四川藩署重刊本

..... 一

思恩府新編保甲事宜

〔清〕李彥章撰

清道光刊潤經堂自治官書本

..... 九九

治浙成規(上)

〔清〕不著撰者

清道光十七年刊本

..... 一九五

〔清〕劉衡撰

清同治三年四川藩署重刊本

庸吏庸言（下）

庸吏庸言下卷目錄

勸民息訟告示

勸諭生監告示

勸民崇儉告示

嚴除蠹弊告示

以民捕盜稟

籌議義田稟

酌撥義穀稟

收養孤貧稟

恤孤勸捐告示

鳳
鳳
言

養濟院記

辦理春荒章程

保甲團練稟

保甲章程

團練章程

庸吏庸言下卷

南豐劉衡存稿

勸民息訟告示

爲勸民息訟以保身命事照得錢債田土墳山及一切口角細故原是百姓們常有的自有一定的道理若實在被人欺負只要投告老誠公道的親友族鄰替你講理可以和息也就罷了斷不可告官訐訟在訟棍必勸你說他熟識衙門不消多費可以替你告官出氣若依本府縣看來這話萬萬聽信不得大凡告狀的人自做呈之日起到出結之日止無事不要花錢到城市便被店

家捉弄到衙門便受書差嚇索過了好些時花了好些錢還未見官的面等到示期審訊先要邀請鄰證早早守候房租喫喝夫馬那一樣不是錢剛要審了卻又掛出牌來改了日期你從前那些錢都白花了又等了好些時探聽了好幾回到書辦房裏催了好幾次做工商的丟了生涯耕田的雇人代替算起來也不知花費了多少錢纔得見官的面不問是輸是贏你的家產已先典賣空了你的身子已先折磨壞了若是輸了柳杖收卡身受苦楚被人恥笑氣也氣死還要花許多嘔氣的錢若是贏了那對頭人喫了虧記了仇斷不肯和你干

休總要想出主意來害你叫你防備不得便到子孫手裏還要報復鬧出人命也不定更是可怕這都是你自己不能忍氣又被訟師哄騙所以到這個田地本府縣不忍見你如此所以苦口勸你爲此示諭百姓們知悉你們日後若遇田土錢債等小事就算有十分道理也要忍氣牢牢記得本官的話只要投告親族和息就喫點虧總比到官較有便宜若還只有五六分道理便要快和息你若不聽本府縣的話到聽訟師的話只肯告狀不肯和息你父母兄弟妻子一家不安還是小事只怕敗了你的身家還要送了你的性命那時想起本府縣的

庸吏庸言

勸民息訟告示

二

肩更肩言

二

話悔恨不該告狀卻已遲了本府縣在江西也是百姓我家二百年來不敢告狀訐訟暗中得了多少便宜也只是忍氣的好處你們不可辜負我教你一片苦心切記切記毋違特示

勸諭生監敦品善俗以襄教化告示

爲勸諭生監敦品善俗以襄教化事照得士首四民士習端則民風厚不特甲科鄉宦民望攸歸卽俊秀生儒亦均有表率齊民之責蓋百姓顓愚囿於近習守令雖親民之官究不能家諭戶曉所賴讀書明理之人居處同鄉見聞較切平時則一動一言無非矩矱遇事則排難解紛動之以人情曉之以國法百姓雖愚見體面人如此懇懇勤勤自然弱者感化強者畏服便息了地方多少事端省了官府許多氣力可見一鄉有善士勝於一邑有好官謂其情更親而機亦順也我郡各屬碩

學宏儒後先接踵是以風俗素號敦龐乃者本府來守此土細察情形其間賢士大夫品端學粹類能矜式珂鄉而鄉曲編氓誤蹈法網者亦復不少推原其故固由本府教導不先咎難自諉卽生等亦與有責焉合行勸諭爲此示仰合邑諸生俊秀人等知悉生等讀聖賢書所學何事如作狀唆訟及一切習俗常犯之事毅然有所不爲固不待言惟種種易犯之事里甲中必有誤犯之人可以瞞官長之見閭斷不能逃親鄰之耳目况生等旣爲民表則合族通鄉率皆望風式化無論何事但經開導無不依從較之本府告示印文尤爲易於取信

本府從前在家時也曾做過秀才今忝膺民社自問德薄鮮能未諳治譜然不自菲薄無刻不以化俗爲心每遇讞獄錄囚輒自引疚所望我輩同心人監我苦衷相助爲理務將上年制憲戴刊發 聖訓六諭及恭衍

詩章六十首廣爲講解並將孝經敬長睦族和鄰毋習邪教毋好訐訟毋好勇鬥狠諸大端隨時勸說總要視鄉里人如自己人視鄉里事如自己事不但訓飭其子弟並且勸誘其父兄旣以身先又以言教旣不費力又易見功在今日爲翹材在他年必爲良吏化先里黨澤及兒孫於以敬桑梓而培元氣則果能相與以有成也

地方之福長官之幸也本府言有盡而心無盡各遵特示

勸民崇儉告示

爲勸民崇儉以厚風俗事照得梁邑風俗競尙奢華大戶倡之齊民效之鬥靡誇多彼此求勝以爲不如是則貽人訕笑甚至以侏儒下走之所欣羨者士大夫亦翕然從之而恬不爲怪習俗移人賢者不免良足慨也不知奢則必盈旣隱觸鬼神之怒奢則必僭又顯干國法之誅况天地生財祇有此數我輩草茅寒素一事之浮誇一念之侈肆中人之產不數載而蕩然或及身而墮入邪途或子孫而流爲餓殍身家旣喪廉恥亦亡其禍不可勝言試稽往事厥有明徵奢之害民身家性命

者如此此地方官之責也本縣躬膺民社廉俸所餘卽服一華美之衣進一豐腴之饌亦何至遽慮虧空惟是化民成俗端在躬行本縣除公服外一切袍衫悉用布繭早晚兩飯菜腐爲多尋常不敢御肉禁止飲酒宴客不過五簋從前在廣省及任墊邑時每日米鹽零碎統以六百錢爲率苟逾此數必苦節數日所費以追補之非矯也凡以守吾素也是以所蒞雖甚瘠區而獨無虧累此可以爲吾民告者士爲四民之首本邑紳衿大戶不下數百家俱有表率齊民之責嗣後一切用度允宜黜奢崇儉大則惜福小亦省錢禮曰國奢則示之以儉